

1 Jon

Mo ti betere bete mole fo

¹ Mo take keké naale alimótei kaae sóró bitiré wale whị, diɔpaae hɔkearóló i dere ape. Ai whịné ama dere fo ɔané mo wosóo, kelenékélé mo kolóo, ɔané wisiyóló fopeyóló naasenékélé olaa yóo, yalepó. ɔané i dere fota, ai mo ti betere fo bole whị Yesu diɔ kóló kóló yaɔsóró hɔkearóló dapó. ² Ai kale mo ti betere bete ɔta, Alimatamo betóló ɔa beterepaae hɔkearóló sókó wapa, ɔané mo kelalepó. Atéro hɔkearɔle wapa ɔané kelale mo ti betere bete ɔ i ape yóló, ɔané mió diɔpaae yó i matere ape. ³ Diɔkélé ɔatamo betɔ kisipa mutu dere ala fea touyóló yaai ɔané kelale alaró wosale fotamo yó i matere ape. Até du betere alata, ti ɔasisi maaté bitu ini, Alimaró Naalema Yesu Kerisotamokélé ɔa fea touyóló, betɔ kisipa mutu dere ala du beterapó. ⁴ ɔané i asɛ dereteita, haɔ dere ala ɔa tuɔmó mo ti fɔayópóló du beterapó.

Talené ama ere ɔe tuɔmótóro betae

⁵ Ama ɔapaae yó male fo diɔpaae hɔkearóló i dapa wosae. Kótó ɔta mo ɔetóro fɔanuraalu, ɔa tuɔmó diliki ere ala mo sawakélé munipó. ⁶ ɔa diliki tuɔmó bitutei, haɔ foné maaté ɔata Kótótamo mo betɔ kisipa mutu, dere alarape du beterapó depata, ti kale mo fo bete ɔané hosaa tuɔmó muniruraalu kapala fo du beterapó. ⁷ Tépateti, Yesu ɔa Talené ɔe tuɔmó biture kaae, ɔakélé ai ɔe

tuamó betepa, ti ne notamo mo betą kisipatóró mutu, dere ala fea du beterapó. Atétepa, ama Naalema Yesu Kerisoné ɤakené ɔané dowi ala fea fokóló aluró beterapó.

⁸ ɔané duraalutamo ɔa tuamó dowi ala me munipó depata, ti kale mo fo ɔa tuamó muniruraalu ɔatei ai dilikitu betere ape. ⁹ ɔané yale dowi alatamo kemerae yóló Kótópaae haķeamó yó matepa, ti ama eraalopó ere fo haşókó feni, ama mo donoi ala sya furaalu, ɔané du betere dowi ala tokóló aluraalopó. Téturaalu, ɔa fea dowi alatamo hosekéro betaşsóró, ama fokóló mo ti aluraté fu betaalopó. ¹⁰ ɔané duraalutamo, ɔata dowi ala mekéle munire so whi beterapó depata, ti Kótó a kapala fo bole seké aqratapó. Atétere alané Kótóné ama mo fo ɔa tuamó sóró mulalénipó.

2

¹ Yalo hosaa mo turó mole naale senaale-ó, ɔia me dowi ala yaşsóró kisipa mutu, aş i dere ape. Tépateti, whi me detamo dowi ala depata, ti ai dowi alané ɔa só deraşsóró, mo donoi ala du betere whi Yesu Kerisoné, tao sere fo ama Alima Kótópaae du beterapó. ² ɔané du betere dowi alamó Kótó a fopaae butu, melaai yale kwia ɔapaae melaşsóró sesé duraalu, Yesuné ama tikimó seróló a sukalepó. Atére alata, ɔané du betere dowi ala maaté sóró aluraai initei, i hae kwiamó betó mole so whiné dowi alakélé tokóló kemeraai yalepó.

³ ɔané ama ere fo wosóló sya fu betepa, ti Yesu Keriso a mo diriyóló kisiparapóló tué mutapó.

⁴ Whị me dené duraalu, yało ą mo wisiyóló kisiparapó du bitutei, Kótóné ere fo wisiyóló sya fení depata, ti kapala fo du betereteiné kale mo bete mole fo ai whị tuámó munipó. ⁵ Téptei, me whị dené Kótóné ama fo sya fóló eró tapata, ti atétere whị tuámó Kótóné ama yaala sókó fole ala fąayóló mo sųró beterapó. ⁶ Dą ą tuámó betere ala etéro kęae kolóló kisipa enérápó. Whị me dené duraalu, ąta Kótó tuámó beterapó depata, ti ai whinė ama dere alakélé Yesuné yale ala kaaetóro enérápó.

⁷ Yało hosaa mole no nerape-ó, yało diąpaae yae yóló i asętere fota, kisi fo kae dumipó. Mo take kaae sale alimótei, Kótóné yae yóló muló betepa diaaą woseté wale fotórótípó. Ti ai yóló muló betere fota, take dąné diąpaae yó matepa, diaaą woseté walepó. ⁸ Téptei, Kótóné yae yóló muló betere kisi fo yało diąpaae i asę dere ape. Ti ai yae yóló dere foné du ą tuámó muóo, dią tuámókélé muóo epa so whịrapené kilitu, aita mo alapó enérápó. Ti noatepae, doasi dę sókó wóló dęró betereteiné diliki kemeraté fu beterapó.

⁹ Whị me dené ąta dę tuámó beterapó du bitutei, ama Keriso no ne hóróló bóe du betepata, ti ai whị ą diliki tuámó hąle ai betere ape. ¹⁰ Whị me dené ama ne nopaae yaala sókó fole ala mupa, ti ai whị ą dę tuámó betereteiné me alané ą dée nalatere ala mo enénípó. ¹¹ Téretei, whị me de ama no ne hamoma hóróló bóe du betepa, ti ai whị ą diliki tuámó bitu ą kotere alakélé, diliki tuámótóro kutu beterapó. Atéreteiné ą kotere tiki ama kelené kelenénípó.

¹² Yalo hosaa mole naale senaale-ó, diaaḡ yale dowi ala fea Yesuné ama yale alané haḡe sóró kemeró beterapóló diḡpaae aḡe i dere ape.

¹³ Ayarape-ó, mo take keké nale alimó haḡe betó tare seké diaaḡ kisiparapóló yalo diḡpaae aḡe i dere ape.

Diḡ teó whḡrape-ó, dowi Satan-tamo bóe dóló Talené fotokḡné diaaḡ ḡ teḡteró betepa, yalo diḡpaae i aḡe dere ape.

Yalo hosaa mole naale senaale-ó, Aya diḡané kisipareteiné yalo diḡpaae i aḡe dere ape.

¹⁴ Ayarape-ó, mo take kaae sale alimó haḡe betere seké diḡané kisipareteiné yalo diḡpaae aḡe i dere ape.

Teó whḡrape-ó, diḡ doasi fotokḡ buóo, diḡ tuḡmó Kótóné fo muóo, diḡané dowi Satan doló teḡteróo, ereteiné yalo diḡpaae aḡe dapó.

Haemó mole ḡla ó alapaae hosaa muóló yaala sókó fu betaḡse ere fo

¹⁵ I haemó mole ḡla ḡlapaae ó dere alarapepaae heḡkesetu hosaa mo turó mutu betaḡse. Whḡ me detamo ai ala du betepa, ti atétere whḡ tuḡmó Aya Kótóné yaala sókó fole ala munipó.

¹⁶ Ti noatepae, i haemó mole alarape i ape. Whḡrapené ekḡleyóló du betere dowi alakélé, kelené kolóló au nokole alakélé, mepaae du betere alaró ḡla ḡlatamo mole doasi néli whḡpóló bopé faketu betere alakélé, fea Aya berteremó kaayóló wómitei, i haemó kaaróló du berterapó. ¹⁷ I haeró haemó muó mole ḡlakó senée yóló ekḡle dere alatamota keme yaalotei, Kótóné ama kisipa mole

ala sya fóló erótu betere so wh̄ta sukókélé ini, mo ti h̄le betó tawaalopó.

Kerisotamo b́e d́ĺ kapala fo ýo matere wh̄ waaloṕĺ ere fo

¹⁸ Ȳlo hosaa mole naale senaale-ó, mió d̄a mo kemetere sukamó beterapóló k̄ae kolóló kisipa yaaitere ala i ape. Kale Kerisotamo b́e d́le wh̄rape wou beterepó dere fo diaaq wosalepó. Ti ai wh̄rapeta, mió wóló i betere ape. Atétere ala kilituraalu, kale kemetere suka felekemó walapóló kisipa muaalopó. ¹⁹ Ai wh̄rape atima take d̄tamo betalet̄i, d̄a taaróló fele beteta, d̄a fake meiru yalepó. Motamo d̄a faketóró ūsóró, ti d̄tamo fea bet̄amó betó mulapó. Té ūt̄ei, atima d̄a taaróló fele betené atima mo bet̄a wh̄kókélé d̄kó meipóló h̄kearalepó.

²⁰ T́patei dīta, dowi ala mo bet̄akélé munire wh̄ Yesu Kerisoné ama so wh̄póló D̄i Kepené d̄le muló betereteiné kale mo foné bete dī feané ai kisipare ape. ²¹ Ȳlo dīpaae i dere as̄eta, kale mo foné bete dī kisipanipóló dumipó. T́patei, ai fo diaaq mo turó kisipa ýo, ai fo tūamó kapala fo mo sawakélé buni ýo, eretei diaaq kisipa epa dapó. ²² Doasi kapala fo du betere wh̄ de? Yesuta, Kótóné so wh̄ t̄eteróló k̄ae tare wh̄ meipóló b́e du betere wh̄pó. Atétere wh̄ta, Alima Kótóró Naalema Yesu Kerisotamo bitinipóló faletu betere wh̄ ai ape. ²³ Wh̄ me dené Naalema bitinipóló sisópaae eratapata, ti Alimakélé bitinipóló sisópaae eratapó. Mepaae wh̄ denétamo Naalema mo beterapóló kisipa

tiratepa, ti atétere whjné Alimakélé mo beterapóló kisipa tiratapó.

²⁴ Térapa, mo take kaae sale alimótei, diaaḡ woseté wale fo diḡ tuḡmó muó tanópoló yae. Ai fo diḡ tuḡmó muó tapa, ti diḡ Naalemaró Alimatamo tuḡmó betó tawaalo ai ape. ²⁵ Ai ala tuḡmó betepa, ama dḡpaae mo eraalopóló ere fo i ape. Sukutere alakélé ini, mo ti betó tawaalopó erapó.

²⁶ Yaḡo i dere aḡeta, diḡ dée nalaairaaḡu, kópaee ḡlisóro fu betere whjrapené du betere ala diaaḡ kisipa yópoló i dere ape. ²⁷ Diḡ tuḡmóta, Dḡi Kepe Wisi taketi beteró bettereiné, diḡ yó melaaire whj me kae yaḡḡanipó. Ti noatepae, kale Dḡi Kepe Wisiné fea ala bete diḡpaae yó mótu beterapó. Ai Dḡi Kepe Wisiné diḡ tuḡmó ai eró betere dḡleta kapala mei, mo ti eró beterapa, ama diḡpaae yó matere fo sya furaalu, Yesu Keriso tuḡmó betó tawae.

Kótóné naale senaalepó ere fo

²⁸ Térapa, yaḡo hosaa mole naale senaale-ó, Yesu Keriso fesaae wale sukamó dḡ hale dere ala ini, halaainé betepa kolópolópa, diḡ Yesu Keriso tuḡmó betere ala ḡale yó tawae.

²⁹ Diaaḡ kisipané Yesu Keriso ḡta, donoi ala du betere whj wisinaale beterapó kisipa mutupa, ti mepaae so whjné du betere wisi ala kilituraalu, ita Kótóné naale senaale beterapóló kisipa muae.

3

¹ Dḡta, Kótóné ama naale senaale ereteiné, Aya Kótóné dḡpaae mo doasi yaala sókó fale ala muluraalu erapa kelere! Ai fo ereteiné dḡ mo

ama naale senaaletóro i betere ape. I haemó betó mole so whiné Kótó tuénireteiné atima dąkélé tuénipó. ² Yąlo hosaa mole no nerape-ó, dąta Kótóné mo ama naale senaaletóro beteraó. Take nalopaae dą noa kaae so whi betaaloró mió dą kisipanipó. Téatei, ą sókó wale sukamó mió ere ala kaaetóro yóló wapa dąné kelaaireteiné, dąkélé ą kaaetóro alée fóló betaalopóló kisiapa mutapó. ³ Take nalopaae ateí ala mo yaalopóló, Yesupaae kisiapa tiki tiratere so whi feata, Yesu ą me dowi alatamo hoseké inire whi wisi biture kaae, atimakélé dowi alatamo hoseké inire so whi betaairaalu, atimanétei taletu beteraó.

⁴ Mepaae so whi de dowi ala du betepa, ti yaąse yóló Kótóné tukóló muló betere fo tikitu beteraó. Ti dowi alanéta, Kótóné tukóló muló betere fo munire aąratapó. ⁵ So whiné du betere dowi ala tokóló aluraai Yesu Keriso waleteti diaaą ai kisipare ape. Ti ąta, dowi ala mo sawakélé munire whipó. ⁶ So whi de Yesu Keriso tuąmó betepa, ti atére so whi dowi ala du betaalo meipó. Mepaae so whi de dowi ala hąle deté fu betepa, ti ai so whiné ą kolókélé ini yóo, kisipakélé ini yóo, erapó.

⁷ Yąlo hosaa mole naale senaale-ó, mepaae whirapené dią dilikóló kópaee ąlisó faąsóró yae. Mepaae whi de mo donoi ala du betepa, ti Yesu Keriso ą mo donoi whi biture kaae, ai whikélé atéro beteraó. ⁸ Whi me detamo dowi ala du betepa, ti Satan ą tuąmó bitu yae depa du beteraó. Ti noatepae, take kaae sale alimótei Satan ą dowi ala bete tale bitu, so whi dowi

ala yópoló sesemeraté wou betalepó. Kótóné Naalema wale beteta, Satan-né ai du betere ala doraai walepó. ⁹ Mepaae so wh̄i de Kótóné ama ala tuámó deyóló beteró betepa, ti ai so wh̄i dowi ala deté faalo meipó. Ti Kótóné wisi ala kaaratere ke ą tuámó boleteiné me dowi yó tanénipó. Ti noatepae, Kótóné atima deyóló beteró betereteinépó. ¹⁰ Ita Kótóné naale senaale ó Satan-né naale senaalepóló k̄aae kolóló tuę yaaitere ala i ape. Mepaae so wh̄i donoi ala initepa ó no nepaae yaala sókó fole ala initepa, ti atétere so wh̄i Kótóné naale senaale bitinipó.

Ne notamo yaala sókó fu betae ere fo

¹¹ Diaaę mo take kaae sale alimótei, kaae sóró woseté wale fo i ape. D̄ané ne no hamomatamo yaala sókó fole ala du betenérápó. ¹² Kale wh̄i Kein ą dowi kepené yae dere ala sya furaalu, ama noma dóló sukunótu yale kaae, diaaękélé atei kaae ala yaęse. Ti noa betené Kein-né ama noma dóló sukunaleé? Ama yale ala do yóo, nomané yale alamo dono yóo, yale betené nomatei dalepó. ¹³ Ȳalo no nerape-ó, i haemó betó mole so wh̄iné dīą h̄óróló b́oe dele ala depa, ai noa ala du dérópóló, dīą kilita sókó faęse. ¹⁴ D̄ata, ne no hamomapaee yaala sókó fole ala du betereteiné sukutere ala tuámó betaletei taaróló, mo ti betere ala tūapaae fóló beterapóló kisipa muaalopó. Wh̄i me de yaala sókó fole ala initepa, ti atétere wh̄i sinitere ala tuámó h̄ale beterapó. ¹⁵ Wh̄i me dené ama no ne h̄óróló b́oe dupa, ti atétere wh̄i ą wh̄i dele wh̄ipó. Wh̄i dele wh̄irape

tuamóta, mo ti betere bete muniretei diaaq ai kisipare ape.

¹⁶ Yaala sókó fole alané bete dané kisipa yaaire ala i ape. Yesu Kerisoné dā tao suraalu, ama betere bete hāle melóló sukālepó. Até du yale kaae, danékélé dané betere bete ne no tao suraalu hāle melóló sukunérápó. ¹⁷ Whi me de fea ɔla sumó muluraalutei, ama no kōletu mepaae yaɣare ɔla taosóro meni depa, ti atētere whi tuamó Kótóné yaala sókó fole ala nétéro muaaloé? ¹⁸ Yalo hosaa mole naale senaale-ó, dané hāle tó kōlóné ó foné maaté yaala sókó fole ala ini, hosaa tuamó mo alatóro muluraalu, me whi tao sóro eratere ala yaalopa sae. ¹⁹⁻²⁰ Danétamo ai ala du betepa, ti dā mo fo tuamó beterapóló kisipa yaalopó. Dā hāsókó fole alané hosaa tuamó sekené mo ti só deraqsóro, ne nopaae yaala sókó fole ala depa Talené keletómó hosaa muni deyóló dua betere ala enérápó. Ti noatepae, Kótóné fea ala ama tuɛ iruraalu, dané hosaa tuamó mole sekei alarape fea ama tēteró beterapó.

²¹ Yalo hosaa mole no nerape-ó, dané hosaa tuamó mutere kisipané dā só derénitepa, ti Kótóné keletómó halaainé diriyóló daanérápó. ²² Dané ama yóló muló betere fo wosóló sya fóo, ama kisipa mole alakélé eróo, du betereteiné dané mepaae yaɣātere ɔla aɣaae wosetepa, ti ama mo melaalopó. ²³ Ama yae yóló muló betere fota i ape. Kótóné ama Naalema Yesu Kerisopaae kisipa tiki tiró bitu, dané ne nopaae yaala sókó fu betepa, ti aita ama dāpaae yae yóló muló betere

ala ai sya fole ape. ²⁴ Mepaae wh̄i de Kótóné ama yae yóló muló betere fo sya fu betepa, ti atétere wh̄irape Kótó tuámó betóo, Kótó əkélé atima tuámó betóo, erapó. Tale d̄a tuámó beterapóló tuę dere alata, ama d̄a tuámó beterale D̄ei Kepe Wisiné yó matepa, d̄ané ̄a kisipanérápó.

4

Kótóné dotęale Keperó kae keperapetamo kęae kolóló tuę yaaitere ala

¹ Ȳaló hosaa mole no nerape-ó, kae kae keperape fea so wh̄i tuámó ai betó mulapa, ai keperapené dere fo wosóló mo dapóló kiswa tiki tiraęse. Aténi, ai keperapeta Kótóné dotonatepa walepé wh̄i me kaené dotonatepa walerópóló mo wisiyóló kęae kolóló tale yae. Ti noatepae, Kótóné fo eratere kóló wh̄ipóló dilikitere wh̄irape i hae kwiamó mo dekéro wóló ai betó mole ape. ² Kótóné dotonale Kepe méro kęae kolóló kiswa yaai dere alata, i ape. Mepaae wh̄irapené duraalu, Yesu Keriso ąta, Kótótei mo wh̄iné tiki daayóló walepó dere keperapeta, ti Kótóné dotonale Kepe ai ape. ³ Atépatei, Yesu Kerisota Kótótei mo wh̄iné tiki daayóló wénipó dere keperapeta, ti Kótóné dotonale keperape meipó. Aita, Yesu Kerisotamo bóe dóló so wh̄i dilikitere wh̄iné keperape waalopó depa take diąné woseté waleteti, mió i haepaae mo wóló ai betere ape.

⁴ Ȳalo hosaa mole naale senaale-ó, diąta Kótóné ama deyóló betero betere naale senaaletóro ai betere ape. Atéru, dią tuámó betere Kepené bóe dóló ama bole fotokóné ai kapala fo du betere

wh̄irape tūamó betere keperape t̄eteró betera-
apó. ⁵ Ti ai wh̄irape atimata, i haemó kaayóló
betereteiné atima kisipakélé i haemó mole kisi-
patóro mulapó. Atérené, haemó betó mole so
wh̄inékéle atima dere fotóro wosóló sya fu betera-
apó. ⁶ D̄ata, Kótó tūamó kaayóló betereiné,
mepaae Kótó kisipare so wh̄iné ti d̄ané dere fo
mopóló wosetu betera-
apó. T̄epatei, Kótó tūamó
bitinire wh̄irapenéta, ti d̄ané dere fokélé mopóló
wosetimipó. Ti ita mo fo dere Kepe Wisiró kapala
fo dere kepetamo taleyóló kisipa yaai dere ala ai
ape.

*Kótóné d̄apaae yaala sókó fu dere kaae,
d̄anékéle mepaae so wh̄ipaae yaala sókó fae*

⁷ Ȳalo hosaa mole no nerape-ó, d̄ané ne no-
tamo mo yaala sókó fole ala du betaalopa sae.
Ti noatepae, yaala sókó fole alata, Kótó tūamó
kaayóló walapó. Ne nopaae yaala sókó fu betere
so wh̄i feata, ti Kótóné deóló betero betere
naale senaale bitu, Kótó mo diriyóló kisiparapó.
⁸ Mepaae wh̄i de tūamó yaala sókó fole ala
munipa, ti atétere wh̄iné Kótó mo tūenipó. Ti
noatepae, Kótó ̄ata yaala sókó fole ala bete
ereiteinépo. ⁹ Kótóné d̄apaae yaala sókó fóló
mole ala h̄akearóturaalu, ere ala i ape. D̄a ̄a
tūamó betero-
póló, ama mo bet̄a betere Naale
i haepaae wópóló dot̄eyalepó. ¹⁰ Kótóné ama
yaala sókó fole alané bete i ape. Folosóro d̄ané
Kótó ̄apaae yaala sókó fole ala inipó. T̄énitei,
amapi d̄apaae yaala sókó furaalu, d̄ané dowi ala
kwia tokóló aluraai, ama Naalemané betere bete
h̄ale melóló sukópóló, dotonalepó. ¹¹ Ȳalo hosaa

mole no nerape-ó, Kótóné amapi kaayóló ðapaae yaala sókó fole ala h̄ale yó tareteiné, ðanékélé ne notamo mo yaala sókó fole ala ðepa ti mo wisirapó. ¹² Mo bet̄a wh̄iné Kótó kolókélé inipó. Ténitei, ðané ne nopaae yaala sókó fole alatamo du betepa, ti Kótó ða tūamó bitu, ama yaala sókó fole alakélé ða tūamó mo s̄uró betrapó.

¹³ Ti ama Kepe Wisi ða tūamó betereteiné, Kótó a ða tūamó betóo, ða a tūamó betóo, erapóló ðané kisiparapó. ¹⁴ Alima Kótóné ama Naalema i hae kwiamó betó mole so wh̄i aluyaqsóro, tao sere wh̄i beterópóló dotonale ala ðané mo kelalepóló, h̄akearóló so wh̄ipaae i du betere ape. ¹⁵ Mepaae so wh̄i denétamo Yesu Kerisota Kótóné naalemapóló diriyóló kisiparu, mepaae so wh̄ipaae h̄akeamó yó matepa, ti ai so wh̄i Kótó tūamó betóo, Kótókélé ai so wh̄i tūamó betóo erapó. ¹⁶ Atéru Kótóné ðapaae yaala sókó fole ala ðané tūēreteiné, āpaae hosaa muóló tiró betrapó.

Ti Kótó āta yaala sókó fole alané bete Tale betrapó. Wh̄i me de yaala sókó fole ala tūamó betepa, ti atétere wh̄i Kótó tūamó betóo, Kótó ākélé ai wh̄i tūamó betóo, erapó. ¹⁷ ða Kótó tūamó atéro betepa, yaala sókó fole ala ða tūamó mo turó f̄ayaalopó. Atéro bitu, take kemetere alimó fo tokóló taletepa ða wikélé ini, mo ha-laainé daayaalopó. Ti noatepae, Yesu Keriso ā ama Alimané kisipa mole ala erótu betale kaae, ðakélé i haemó h̄ale bitu, Yesuné ama kisipa mole ala erótu betereteiné ða ā kaaetóro betrapó. ¹⁸ Yaala sókó fole ala du betere so wh̄i tūamó

witere ala mo sawakélé bunipó. Tépatéi, witere wh̄ta ama du betere alamó dowi kwia saalopóló kisipa mutu dapó. Ti atéro witere so wh̄ tuámó Kótóné yaala sókó fole ala f̄ani teórapó. Ai ala epatei, Kótóné yaala sókó fole ala f̄aturaalu, witere ala alurótu beterapó.

¹⁹ Folosóro Kótóné amapi d̄apaae yaala sókó faleteiné d̄ané ̄apaaekélé, ne nopaaekélé yaala sókó fu beterapó. ²⁰ Wh̄ mené duraalu, ̄ Kótópaae yaala sókó fu beterapó du bitutei, ama no ne h̄róló bóe du betepa, ti ̄ kapala fo dere wh̄ ai ape. Ti noatepae, wh̄ me dené ama kilitu betere no nepaae yaala sókó fole ala initepa, ti kelepaa kilinire Kótópaae yaala sókó fole ala mo enénipó. ²¹ Ti Kótóné d̄apaae yae yóló muló betere fo i ape. Kótópaae yaala sókó fu betere so wh̄néta, no nepaaekélé yaala sókó fu betenérápó.

5

Yesu Keriso Kótóné Naalemapóló kisipa tirae ere fo

¹ Yesuta, Kótóné so wh̄ t̄eteróló kaae tare wh̄ Kerisopóló kisipa tiki tiratepa, ti atétere so wh̄ta, Kótóné deyóló betero beterapó. Mepaae so wh̄ Alimapaee yaala sókó fole ala du betepa, ti atétere so wh̄né ama naale senaalepaaekélé yaala sókó fu beterapó. ² D̄ané Kótó ̄apaae yaala sókó furaalu, ama yóló muló betere fo sya fu betepata, ti Kótóné ama naale senaalepaae yaala sókó fu beterapóló d̄ané kisipa enérápó. ³ Kótóné ama yóló muló betere fo sya fóló ai fo aqmó mo dua

betere alata, ti Kótópaae yaala sókó fole alané bete ai ape. Ai fo sya foleteita, mo hapólunipó. ⁴ Ti noatepae, Kótóné deyóló beteró betere naale senaalené i haemó mole alatamo bóe dóló teteró beterapó. Ti aita, Yesu Keriso mo beterapóló dané kisipa tiki tiró betereiteiné i haemó mole ala fea mo ti dóló teteró ai betere ape. ⁵ Noa ala ere so whiné i haemó mole alatamo bóe dóló teteró betere? Yesu Keriso aṭa, Kótóné Naalemapóló kisipa tiki tiróló betere so whiné maaté ai ala teteró beterapó.

⁶ Yesu aṭa Kótóné Naalemapóló haṭkearatere alata, weíró sameatamo tuamó walepó. Aṭa, mo weí tuamó maaté wéni, samearó weítamo tuamó walepó. Kale Deí Kepe Wisi a mo foné bete betereiteiné, amakélé Yesu aṭa, Kótóné Naalemapóló yó mótu beterapó. ⁷ Até yale alata, sore ɔlarapené etéró haṭkearóló yó matapó. ⁸ Kale Deí Kepenekélé, weínekélé, sameanékélé, i sore ɔlarape atima feané mo betá fotoró dua dapó. ⁹ Mo whiné etei kaae ala depa kelalepóló dere fo dané wosóló mo dapóló kisipa tirótua dapó. Tépatéi, Kótóné ama Naalené ere alamó kisipa mutu, haṭkearóló ere foné mo whiné dere fo teteróló teraae falapó. Ti noatepae, Kótóné aṭa, mo foné betereiteiné. ¹⁰ Kótóné Naalemapaae kisipa tiki tiró betere so whiné hosaa tuamó, Kótóné ama haṭkearóló dere fo mopóló kisipa mutapó. Tépatéi, mepaae whiné Kótóné dere fo wosóló tué tiki tirénitepa, ti atétere so whiné Kótó a kapala fo bole seké aɔrapó. Ti noatepae, Kótóné aṭa ama Naalepó, dere fo wosóló tué

tiki tirénitereteinépó. ¹¹ So wh̄i feané wosóló kisipa tiki tirópóló, Kótóné h̄akeamó ere ala i ape. Kótóné ama mo ti betere bete d̄a meló betere-apó. Ai ti betere beteta, ama Naalema tūamó mulapó. ¹² Kótóné Naalema Yesu Kerisotamo betamó titiyóló betere so wh̄ita, mo ti betere bete sóró tarapó. Ama Naalematamo titiyóló betenire so wh̄ita, mo ti betere bete sóró tanipó.

Yesu Kerisoné ala tūamó betae yóló mo kemerótu dere fo

¹³ Ȳalo i dere așeta, Kótóné Naalema Yesu Kerisoné doimó bitu, ășpaae kisipa tiki tiró betere so wh̄ipaae mo ti betere bete d̄ané sóró tarapóló kisipa yaasepóló i dere ape. ¹⁴ D̄a witere ala ini, Kótó betere felekepaae fóló halaainé wosaai dere ala i ape. D̄anétamo ama kisipa mole ala eraai me ɔlakó kematepa, ti ama mo wosetua dapó. ¹⁵ D̄ané wosetere ala ama mo matapóló kisipa tiratepa, ti ășpaae noa ɔlakó wostepa ama melaalopó.

¹⁶ Me wh̄iné ama no netamo sukóló mo ti alu enénire dowi ala du betere keletepa, ti Kótóné ama betere bete melópóló Talepaae moma er-anérápó. Ȳalo i dere fota, alu enénire dowi ala dere so wh̄imó kisipa mutu dapó. Tépatēi, mo ti sukutere tikipaae falaaire dowi alata, ti ama kae mulapó. Ai aluyaaire tikipaae faaire dowi ala dere so wh̄imó momarae yóló dumipó. ¹⁷ Kótóné yóló muló betere fo tikitere alata, ti ai dowi ala ai ape. Tépatēi, mepaae dowi alané so wh̄i sukutere tikipaae ășlisó fumipó.

¹⁸ Kótóné deyóló betero betere so wh̄ta, dowi ala hāle deté fumipóló d̄ané kisiparapó. Ti ai so wh̄i me ala yaqsóro, Kótóné ama deyóló betero betere Naalené mo wisiyóló kaae tareteiné, dowi kepené ̄ doranénipó. ¹⁹ D̄ata, Kótóné ama naale senaaletóro betereitei d̄ané kisiparapó. Tépat̄ei i haemó betó mole so wh̄iró yó mole ̄la ̄latamo dowi kepené t̄eteróló kaae tare aqmó mulapó. ²⁰ Kótóné Naalema Yesu Keriso i haepaae walet̄ei, d̄a so wh̄i feané ̄ tuamó mole ala bete kisipa yóo, d̄ané Kótó akélé mo alané betepóló kisipa yóo, yópóló walet̄ei d̄ané tuér̄apó. D̄ata, mo alané bete tale Naalema Yesu Keriso tuamó bet̄erapó. Āta me kae mei, Kótótóro bitu, mo ti betere bete talepó.

²¹ Ȳalo hosaa mole naale senaale-ó, dīa Kótó taaróló, i haemó kae kae betó mole kapala kótópaae faqsóro, mo wisiyóló kaae tawae.

Yesu Kerisoné So Whi Tao Sere Kisi Fo Wisi
The New Testament in the Folopa Language of Papua
New Guinea

Nupela Testamen long tokples Folopa long Niugini

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

4e9b4b04-0b47-5583-9c4d-fb82cfdd65c2